

**ფილიპე V მაკედონელის მიერ
თესალიის ქალაქ ლარისასთვის¹ გაგზავნილი
წერილები ძვ.წ. 217-215 წლებში²**

საკვანძო სიტყვები: ფილიპე V, წერილები, ქალაქი ლარისა, მოქალაქეობა

Key Words: Philip the V, Letters, City of Larissa, Citizenship

ალექსანდრე დიდის (Μέγας Αλέξανδρος, ძვ.წ. 336-323) იმპერიის დაშლისა და დიოდოხოების (Διόδοχοι) მიერ მისი გაყოფის შემდეგ, სამ კონტინენტზე, ევროპაში, აზიასა და აფრიკაში წარმოიქმნა ელინისტური სახელმწიფოები: პტოლემეაიოების (Πτολεμαῖοι) ეგვიპტის სამეფო, სელევკიდების (Σελευκίδαι) სამეფო, ატალიდების დინასტიის (Δυναστεία των Ατταλιδών) პერგამონის სამეფო და მაკედონია, (Μακεδονία) რომლის ტახტი, ხანგრძლივი შიდა დაპირისპირების შემდეგ ანტიგონიდების (Αντιγονίδαι) ხელში აღმოჩნდა. აღსანიშნავია, რომ ძვ.წ. II საუკუნიდან მოყოლებული ყველა ელინისტური სახელმწიფო გვიანი პერიოდის რომის რესპუბლიკამ (ძვ.წ. III-I სს) დაიპყრო.

ელინისტური სამეფოები ძალაუფლებისათვის ბრძოლაში მუდმივად უპირისპირდებოდნენ ერთმანეთს, რაც რასაკვირველია იწვევდა თვით გამარჯვებული სახელმწიფოს ეკონომიკურ, პოლიტიკურ... დასუსტებას. შეიძლება ითქვას, რომ სახელმწიფოს დასუსტება ყველაზე მეტად გამოიწვევდა სელევკიდების სახელმწიფოში, რამაც საბოლოოდ ამ უზარმაზარი ტერიტორიის გაყოფა გამოიწვია. მასზე კი კიდევ ერთი, აღმოსავლეთ ელინისტური სახელმწიფო, არშაკიდული პართია წარმოიქმნა. შინაგანი სისუსტისა და მუდმივი დაპირისპირების გამო ძალზედ გართულებული მდგომარეობა ჰქონდა ანტიგონიდების მაკედონიის სამეფოს. იგი მუდმივად უპირისპირდებოდა ელადაში არსებულ დამოუკიდებელ პოლისებსა და მათ გაერთიანებებს, რომელნიც მაკედონიის მტაცებლური პოლიტიკით შინაგანად გამოფიტულნი იყვნენ. რა თქმა უნდა, ბერძნული პოლისების მმართველთა შორისაც იყვნენ პრომაკედონიურად განწყობილი ჯგუფები, მაგრამ მას შემდეგ, რაც ბალკანურ პოლიტიკაში დაღმაცვიდან რომის რესპუბლიკა იჭრება, ბერძნული პოლისები მაკედონიის მჩაგვრელი პოლიტიკის საპირწონედ ფსონს სწორედ რომზე დებენ, რაც საწყის პერიოდში იწვევს რომაული გავლენის ჯერ ნებაყოფლობით, ხოლო შემდეგ ძალისმიერ ზრდას, რაც საბოლოო ჯამში მისი სრული გაბატონებით სრულდება. რომის გამოჩენამ არა მხოლოდ ელადის, არამედ მაკედონიის პოლიტიკური კურსიც სრულიად შეცვალა. რომის გამოჩენამდე მის ძირითად

¹ ლარისა/Λάρισα პოლისი თესალიის (Θεσσαλία) რეგიონში, იგი მაკედონიიდან ცენტრალურ ელადაში შესასვლელ კარიბჭეს წარმოადგენს. ლარისა ძვ.წ. IV საუკუნიდან თესალიური ლიგის წინამძღოლი იყო.

² ძველი ბერძნული ტექსტი – IG IX,2 517 – PHI Greek Inscriptions (packhum.org).

ამოცანას ელინური პოლისების დაპყრობა წარმოადგენდა, ახლა კი საზრუნავი გაუხდა თავისი პოლიტიკური ინტერესების დაცვა რომის მიერ ელადის პოლისებისა და რესპუბლიკის შესაძლო ურთიერთობის აღმოსაფხვრელად, თანაც ამას ემატება ეკონომიკური სტაგნაცია ქვეყნის შიგნით და უკვე დემეტრიოს II-დან (Δημήτριος II ძვ.წ. 239-229) მოყოლებული მაკედონიის ელინისტური სამეფო თავის პოზიციებს აშკარად კარგავს, შესაძლოა ითქვას, რომ იგი „დათმობითი პოლიტიკის“ გამტარებელი ხდება. რაც შეეხება რეგენტ ანტიგონოს III-ს, (Αντίγονος ΙΙΙ) იგი თავისი ბიძაშვილის, დემეტრიოს ეტოლიკოსის, (Αἰτωλικός)³ პოლიტიკურ კურსს ცვლის და მნიშვნელოვან წარმატებებსაც აღწევს. პირველ რიგში იგი ამარცხებს აჯანყებულ დარდანელებს⁴, რომელნიც დემეტრიოსის სიკვდილის მიზეზი გახდნენ. ანტიგონოს დოსონი (Δάσων)⁵ მაკედონიის ტახტს, ძვ.წ. 229-221 წლებში იკავებდა⁶. მისი გარდაცვალების შემდეგ ტახტზე ადის ფილიპე V (Φίλιππος ΙΙΙ ძვ.წ. 221-179), დემეტრიოს II-ის ძე. იგი ისტორიოგრაფიაში ცნობილია როგორც მაკედონიის ბოლოსწინა და უკანასკნელი დიდებული მეფე. როგორც ნიკოლსონი მიუთითებს, ის იყო პირველი ელინისტი მონარქი, რომელიც დაუპირისპირდა რომს. (Nicolson 2015: 15) იგი მმართველობის საწყისი ეტაპიდან აქტიურად ერთვება ელადის პოლისებს შორის მიმდინარე დაპირისპირებაში, რასაც მოჰყვა მაკედონიის ჩართვა ეტოლიურ ომში (ძვ.წ. 220-217).⁷ იგი ამასთან ერთად ანტირომაულ პოლიტიკას ატარებდა და სწორედ ამიტომ შეეკრა კართაგენსა (Carthago) და ჰანიბალს (Hannibal, ძვ.წ. 247-181) როდესაც ძვ.წ. 218 წელს დაიწყო მეორე პუნიკური ომი⁸. კართაგენსა და მაკედო-

³ Αἰτωλικός – ეტოლიკოსი, ანუ ეტოლიელი.

⁴ დარდანიის სამეფო, ძვ.წ. IV საუკუნეში შექმნილი პოლიტიკური სუბიექტი იყო. იგი მდებარეობდა მაკედონიის სამეფოს ჩრდილოეთით, დღევანდელი სერბეთის (ძირითადი ნაწილი კოსოვო) ჩრდილოეთ მაკედონიისა და ალბანეთის ტერიტორიაზე. იგი მუდმივად მედგარ წინააღმდეგობას უწევდა სამხრეთიდან, მაკედონელების მიერ დაწყებულ ექსპანსიას ჩრდილოეთით. სწორედ ამიტომ ჰქონდათ მათ მუდმივი დაპირისპირება ფილიპე V-თან. ძვ.წ. 218 წელს დარდანიის სამეფო, რომმა, კერძოდ, მარკუს ლიკინიუს კრასუსმა (Marcus Licinius Crassus) დაიპყრო, რომელსაც ძვ.წ. 29-27 წლებში მაკედონიის პროკონსულის თანამდებობა ეკავა.

⁵ Δάσων – დოსონი, იგი ზმნა ღინამი-დან მოდის, კერძოდ იგი არის მომავალი დროის მიმღობა და სიტყვასიტყვით შეგვიძლია ვთარგმნოთ, როგორც გადამცემი. ამ შემთხვევაში, რადგან ანტიგონოსი რეგენტი იყო, ანუ დროებითი მმართველი და მომავალში უნდა გადაეცა მეფობა ტახტის მემკვიდრისთვის.

⁶ ანტიგონოს III-ის რეგენტად დანიშვნის გადაწყვეტილება მაკედონიურმა ნობილიტეტმა მიიღო, მიზეზი კი მომავლი მეფის, ფილიპე V-ის, მცირეწლოვნობა დასახელდა, იგი ამ დროს სულ რაღაც 9 წლის გახლდათ.

⁷ ეტოლიური ომი მიმდინარეობდა აქაველთა (Κοῖνων τῶν Ἀχαιῶν) და ეტოლიურ (Κοῖνων τῶν Αἰτωλῶν) ლიგებს შორის. აღსანიშნავია, რომ სწორედ მაკედონიის სამეფო აქაველთა ლიგას „მეთაურობდა“, ასევე მის მხარეზე გამოდიოდა ეპიროსი (Ἠπειρος), ბეოტია (Βοιωτία)..., ხოლო ეტოლიური ლიგის მომხრე იყო სპარტა (Λακεδαιμόνα) და ელისი (Ἕλις). ომის ბუნებიდან გამომდინარე, სამეცნიერო ლიტერატურაში მას მოკავშირეთა ომის სახელითაც იცნობენ.

⁸ მეორე პუნიკური ომი კართაგენსა და რომის რესპუბლიკას შორის ძვ.წ. 218-202 წლებში მიმდინარეობდა. ხანგრძლივი და გარდამავალი ომის გამარჯვებული რომის რესპუბლიკა გახდა. აქვე აღსანიშნავია, რომ სწორედ მეორე პუნიკური ომის დაწყებამ და გარკვეულ ბრძოლებში კართაგენელების გამარჯვებამ გადაწყვეტინა მეფე ფილიპე ეტოლიური ომი დაესრულებინა, რადგან თავისი მოწინააღმდეგის, რომის რესპუბლიკის, მტერთან, კართაგენტან დაეწყო მოლაპარაკებები შესაძლო კავშირის თაობაზე.

ნიას შორის კავშირსა და მაკედონიის სამხედრო ჩართულობას მეორე პუნიკურ ომში, მოჰყვა ძვ.წ. 215 წელს მაკედონიასა და რომს შორის პირველი მაკედონიური ომის წამოწყება.⁹

წერილების გაგზავნის წინაპირობა და მათი მიმართება ფილიპე V-ის საგარეო პოლიტიკასთან

წერილები, რომელსაც ფილიპე V გზავნის ლარისას მმართველთა და მოქალაქეთათვის არ ყოფილა მხოლოდ მაკედონელი მეფის მცდელობა, მის ნება-სურვილსა და დირექტივებს დაქვემდებარებოდნენ ლარისელები. მაკედონელი მეფე ძვ.წ. 217 წელს, მას შემდეგ გზავნის წერილებს, როდესაც ლარისელთა მხრიდან მოდიან მაცნენი, რომელნიც სთხოვენ ფილიპეს ლარისასთვის გართულებული სიტუაციიდან გამომდინარე¹⁰ მათთვის რჩევა მიეცა, რომლის წყალობითაც შეძლებდნენ სიტუაციის გამოსწორებას. სწორედ ამ თხოვნას მოსდევს ძვ.წ. 217 წლის სექტემბერში ფილიპე V-ის მიერ წერილის გაგზავნა მათდამი.

აღინიშნა და კიდევ ერთხელ განვმეორდები, რომ ელინისტური პერიოდის მაკედონიის სამეფოს საგარეო პოლიტიკა მუდმივად მიმართული იყო იმისკენ, რომ ძალისმიერად ჩარეულიყო და წამყვანი როლი ეთამაშა მის სამხრეთით არსებული ელადის პოლისების პოლიტიკურ საქმიანობაში. სწორედ ამის მტკიცებაა მისი ჩართვა ეტოლიურ ომში, რაც გახდა კიდევ განმაპირობებელი ფაქტორი ფილიპეს საგარეო პოლიტიკაში დამატებითი ასპექტის გაჩენისა, რადგან სწორედ ამ ომის დასრულების შემდეგ ლარისელების თხოვნის საშუალებით ნიადაგს სინჯავს არის თუ არა შესაძლებელი რბილი „ძალის მეშვეობით“¹¹ ელადის პოლისებში მისთვის სასურველი პოლიტიკური ნაბიჯების გადადგმის. მისი მცდელობა, რომ დაღმაცია-ილირიიდან მომავალი რომის საწინააღმდეგოდ, მაგრამ მათივე პოლიტიკის მაგალითზე, რამენაირად უზრუნველყოს მაკედონიის სამეფოს ერთიანობა და შესაძლებელი გაფართოება, მისი მეზობელი ელინური თუ არაელინური პოლიტიკური სუბიექტების დამორჩილების გზით, მართლაც ერთ-ერთ თვალსაჩინო პოლიტიკურ ფიგურად წარმოაჩენს ფილიპე მეხუთეს. ამასთანავე იგი ხვდება, რომ ბალკანურ პოლიტიკაში რომის რესპუბლიკის ჩართვა ასუსტებს მის პოზიციებს, ამიტომაც საჭირო ხდება მოშორებით, ზღვის გადაღმა, შესაფერისი მოკავშირის მოძიება, ამ შემთხვევაში კართაგენის სახით, რომელიც შეიძლება ითქვას, რომ პირველ პუნიკურ ომში (ძვ.წ. 264-241) დამარცხების მიუხედავად რომის ყველაზე ამისკენ მაკედონელ მმართველს ილირიული სახელმწიფოს მეფედყოფილმა, დემეტრიოს ფაროსელმა (Δημήτριος ὁ Φάρσιος ძვ.წ. 222-219) უბიძგა, რადგან მას საკუთარი პრეტენზიები ჰქონდა რომის თვითმპყრობლურ რესპუბლიკასთან. რჩევიდან გამომდინარე და ფილიპე V-ის ხელმძღვანელობით მოკავშირეთა ომი ნავპაქტოსის (Ναύπακτος) ზავით სრულდება.

⁹ პირველი მაკედონიური ომი, ანტიგონების მაკედონიის სამეფოსა და რომის რესპუბლიკას შორის ძვ.წ. 215-205 წლებში მიმდინარეობდა, იგი რომის გამარჯვებით დასრულდა.

¹⁰ იგულისხმება ეტოლიური ომით გამოწვეული რთული მდგომარეობა, ტერიტორიების დაკარგვა, მოსახლეობის/მოქალაქეების/სამხედროების რაოდენობის კლება და ა.შ.

¹¹ სწორედ „რბილი ძალის“ მიდგომა იყო ფილიპე მეხუთის მიერ შემოტანილი სიახლე მაკედონიის სამეფოს საგარეო პოლიტიკური კურსის განსაზღვრაში.

დიდი მტერი და ამასთანავე მისი საპირწონე ძალაა, თანაც ისეთი, რომელთან მოკავშირეობის გარეშეც შეუძლებელი იქნება, შესაძლო რომაული ჩექმის აღმოფხვრა ბალკანეთიდან. ანუ ფაქტობრივად, ფილიპე მაკედონელი ზუსტ საგარეო პოლიტიკურ პროგნოზებს სვავს, მაგრამ მეორე საკითხია, თუ როგორ გაამართლებენ ამ პროგნოზებს მისი მოკავშირეები. ზემოთ თქმულიდან გამომდინარე ყველასთვის გასაგებია თუ რა მნიშვნელობა ექნებოდა იმ თხოვნას ფილიპე მეხუთისთვის მიმართ რომელიც მისი პოლიტიკის ნებაყოფლობით გაფართოებას მოასწავებდა სამხრეთით, თესალიური ლიგის მეთაურის, პოლის ლარისას გავლით ცენტრალური ელადისკენ.

ძვ.წ. 217 წლის სექტემბრის წერილი

„ტაგოსები¹²: ანანკიპოს პეტთალეოსის ძე, არისტონოოს ევნომეოსის ძე, ეპიგენეოს იასონის ძე, ევდიკოს ადამანტეოსის ძე, ალექსია კლეარქესის ძე. გიმნასიარქონი¹³: ალევა დამოსთენესის ძე. მეფე ფილიპემ ტაგოსსა და პოლისს ასეთი წერილი მისწერა: მეფე ფილიპე ლარისელთა მაგისტრატსა/მაგისტრატთა კოლეგიასა¹⁴ და პოლისს ესალმება. როდესაც პეტრაიოსი, ანანკიპოსი და არისტონოოსი ელჩობიდან დაბრუნდნენ, განმიცხადეს, რომ გადახდილი ბრძოლების შედეგად თქვენს ქალაქს მოსახლეთა რაოდენობის გაზრდა სჭირდება.¹⁵ ამჯერად, ვიდრე სხვებს თქვენი მოქალაქეობის ღირსად მოვიაზრებდეთ, გადავწყვიტე, რომ ჩაატაროთ კენჭისყრა თესალიელებისათვის და თქვენ შორის მოსახლე სხვა მოკავშირე ელინთათვის მოქალაქეობის მინიჭების შესახებ. ვინაიდან, როდესაც ეს აღსრულდება და კაცთმოყვარეობით ყველა ერთად დადგება, დარწმუნებული ვარ სხვა ბევრი სასარგებლო საქმე გაკეთდება, როგორც ჩემთვის, ისე პოლისისათვის, და მიწაც უკეთ დამუშავდება. მეხუთე წელი, ჰიპერბერეტეოსის 21-ე დღე¹⁶

¹² Ταγός/ტაგოსი, იგი სპეციფიური ტერმინი გახლავთ, ამიტომ თარგმანში იგი გადმოტანილი იქნება „გრეციზმით“, Nominativus – სს დამატებული ქართული სახელობითი ბრუნვის ნიშანი – ი, ანუ ტაგოსი. ამ ტერმინს ანტიკურობაში რამდენიმე მნიშვნელობა გააჩნდა, 1. უბრალოდ, მეთაურის, ხელმძღვანელის; 2. თესალიის ლიგის, კავშირის, ხელმძღვანელის; 3. თუკი ტაგოსი, გამოყენებულია მრავლობითი ფორმით (Ταγῶν) მასში იგულისხმება თესალიის ქალაქებში არსებული მაგისტრატი/ მაგისტრატთა კოლეგია და მისი წარმომადგენლები. ტერმინი ტაგოსი გვხვდება შემდეგ ბერძენ ავტორებთან: Xen. Hell. 6.4.28, Aesch. Pers. 23, Aesch. Ag. 110...

¹³ ძველ საბერძნეთში არსებული გიმნასიონის, მმართველი. ანტიკური პერიოდის გიმნასიონი წარმოადგენდა ფიზიკური ვარჯიშისთვის განკუთვნილ დაწესებულებას. თანამედროვეობაში იგი შესაძლოა შევადარო სპორტულ დარბაზებს. ინგლისურ ენაში არსებული სიტყვა Gym, ბერძნული ფუძიდან მოდის, ზმა γυμνάζω-დან რომელიც ვარჯიშს აღნიშნავდა. უნდა აღინიშნოს, რომ გიმნასიონს ძალზე მნიშვნელოვანი დატვირთვა ჰქონდა ძველ ბერძნულ სინამდვილეში, ძველ ათენში მისი ხშირი სტუმარი იყო თავად პლატონიც.

¹⁴ დედანში მრავლობითი ფორმით გვხვდება ტაგოსი – τοῖς ταγῶν, ამიტომ იგი უნდა გადაითარგმნოს როგორც მაგისტრატი/ მაგისტრატთა კოლეგია.

¹⁵ იგულისხმება, ეტოლიური, იგივე მოკავშირეთა ომის დროს გადახდილი ბრძოლები.

¹⁶ მეხუთე წელი, ანუ ფილიპე V-ის გამეფებიდან მეხუთე წელი, იგი ტახტზე ძვ.წ. 221 წელს ადის, აქედან გამოდინარე ძვ.წ. 217, მისი გამეფებიდან სწორედ მეხუთე წელი გამოდის. ბერძნული პოლისების მსგავსად მაკედონიური კალენდარი მთვარე-მზის სისტემით მოქმედებდა. წელი იწყებოდა თვე დიოსით/ Διος, ანუ ოქტომბრით. რაც შეეხება

პანამოსის¹⁷ 26-ე დღეს, როდესაც ქალაქმა მიიღო ეს ბრძანებულება, ჩატარდა კრება ყველა ტაგოსის¹⁸ თავმჯდომარეობით. მეფე ფილიპემ ტაგოსსა¹⁹ და პოლისს გაუგზავნა წერილი, რომლის მიხედვითაც, ელჩობიდან დაბრუნებულმა პეტრაიოსმა, ანანკიპოსმა და არისტონოსმა მას გაუცხადეს, რომ ჩვენი ქალაქი გადახდილი ბრძოლების შედეგად საჭიროებს მოსახლეობის გაზრდას. ამჯერად, ვიდრე სხვებს პოლიტიკურ საქმიანობაში მონაწილეობის ღირსად მოვიაზრებდეთ, გადავწყვიტეთ ჩაგვეტარებინა კენჭისყრა რათა მოქალაქეობა მივანიჭოთ იმ თესალიელებსა და სხვა ელინებს რომლებიც ჩვენს შორის მკვიდრობენ.

ვინაიდან, იგი დარწმუნებულია, რომ ამ ყოველივეს აღსრულება და კაცთმოყვარეობით ხალხის გაერთიანება²⁰ მრავალ სიკეთეს მოიტანს, როგორც მისთვის, ისე ქალაქისათვის და მიწაც უკეთ დამუშავდება. მმართველობის მიერ გადანყდა, რომ ამ საკითხთან დაკავშირებით მეფის წერილის შესაბამისად გვემოქმედა და მოქალაქეობა მიგვენიჭებინა იმ თესალიელებისა და სხვა ელინთათვის რომლებიც ჩვენ შორის მკვიდრობენ, მათაც და მათ შთამომავლებსაც ჰქონდეთ ყველა სხვა უფლება, როგორც ლარისელებს, თითოეულმა კი აირჩიოს ფილე, რომლის წევრობაც სურს.

ეს ბრძანებულება სამუდამოდ დარჩეს ძალაში. ხაზინადრებს დაევაღათ: დანერონ მოქალაქეებად ჩარიცხულთა სახელები ორ რკინის სტელაზე და დადონ ერთი, აპოლონ კერდოსის ტაძარში²¹, ხოლო მეორე აკროპოლისზე; აგრეთვე, დაფარონ ყველა ხარჯი რომელიც წარმოიქმნება.“

როგორც წერილიდან ირკვევა მეფე ფილიპე ლარისელთა პრობლემის აღმოფხვრის ერთადერთ გზად მოქალაქეთა რაოდენობის გაზრდას მიიჩნევს, მოქალაქეობის არა მხოლოდ თესალიელთათვის, არამედ სხვა ბერძენთათვისაც მიცემით. ამ დროს კი ირღვევა მოქალაქედ ჩარიცხვის წესი, რომელიც სათავეს ძვ.წ. V საუკუნის ათენიდან იღებს, ე.წ. პერიკლეს მოქალაქეობის კანონი, როდესაც ადამიანი მხოლოდ მაშინ ჩაითვლებოდა მოქალაქედ თუკი ორივე მშობელი მას მოქალაქე ეყოლებოდა. მეფე ფილიპე ე.წ. ნატურალიზაციით მოქალაქეობის მიღებას სთავაზობს ლარისელებს, რაც მისი აზრით ყოველგვარ პრობლემას აღმოფხვრის. აქვე აღსანიშნავია, რომ ნატურალიზაციის ინსტიტუტი ათენშიც არსებობდა, მაგრამ იგი არ იყო ისე ფართოდ გავრცელებული, რა მასშტაბითაც მეფე ფილიპე სთავაზობს ლარისელებს.²²

ბა Ὑπερβερεαῖος/ჰიპერბერეთიოსს იგი დღევანდელბაში შესაბამება სექტემბერს, მისი დღეების რაოდენობა კი 29-ით განისაზღვრებოდა.

¹⁷ Πάτριος/Πάναμος – პანამოსი იგივე ივნისი, მაკედონიის გარდა ამ თვის სახელწოდება გამოიყენებოდა ეპიდავროსში (Ἐπίδαρος), კორინთოსში (Κόρινθος) და მილეტოსში (Μίλητος).

¹⁸ მიუხედავად იმისა, რომ მრავლობითი რიცხვია, კონტექსტიდან გამომდინარე იგულისხმებიან ცალკეული ტაგოსები, ანუ მაგისტრატთა კოლეგიის წევრები.

¹⁹ უნდა იგულისხმებოდეს თესალიის ლიგის ხელმძღვანელი, რომელიც ამასთანავე ერთ-ერთი ლარისელი ტაგოსი/ მაგისტრატთა კოლეგიის წევრი იყო.

²⁰ სიტყვასიტყვით: ყველას ერთად დადგომა.

²¹ ორიგინალ ტექსტში – Ἀπολωνος – Nom. Sing. – Ἀπολουν – თესალიური დიალექტი, შედარებისთვის, ატიკური დიალექტი – Ἀπόλλων.

²² ნატურალიზაციის შესახებ ცნობას ისოკრატესი (σοκράτης ძვ.წ. 436–338) გადმოგვცემს,

ამასთანავე აღსანიშნავია, რომ მოსახლეობისა და სამხედროების გაზრდა ასევე შესაძლებელი იქნებოდა ნოთოსებისათვის²³ მოქალაქეობის მინიჭებით, ისინი იმ ქალაქის მკვიდრნი არიან და შესაძლოა ითქვას უფრო საიმედოები ვიდრე სხვა თესალიელები ანდა სხვა ბერძნები. მეფე ფილიპეს მიერ ნაპოვნი გამოსავალი შესაძლოა იმის მანიშნებელი იყოს, რომ ნოთოსებს უკვე ჰქონდათ მინიჭებული მოქალაქის უფლებები და ლარისას სჭირდებოდა კიდევ უფრო მეტი, ანდა ეს შეიძლება იყოს მეფის მცდელობა პრომაკედონიურად განწყობილი მოსახლეობის ჩასახლებისა და მოქალაქეებად ჩარიცხვისა ლარისაში, ეს ხომ მისი დიპლომატიის გამარჯვება იქნებოდა.

მეფე ფილიპე მეორე წერილს ძვ.წ. 215 წელს აგზავნის. ლარისას მოსახლეობისათვის წერილის ხელახლა გაგზავნის მიზეზი წერილშივე კარგად ჩანს. მეფე მიუთითებს, რომ სტელა, რომელზეც მოქალაქეებად ჩარიცხულთა სახელები იყო დანერილი გაანადგურეს.

ძვ.წ. 215 წლის წერილი

„მოგვიანებით მეფე ფილიპე სხვა წერილის უგზავნის ტაგოსს და ქალაქს. ტაგოსებს/მაგისტრატთა კოლეგიის წევრებს: არისტონოს ევმენოსს, ევდიკოს ადამანტეოსს, ალექსიპოს ჰიპოლონეოსს, ეპიგენეოს იასონეოსს, ნიმენიოს მანასიანიოსს, გიმნარქონს, ტიმუნიდდა ტიმუნიდეოსს წერს. მეფე ფილიპე ლარისელ მაგისტრატსა და ქალაქს სალამს უძღვნის. შევიცანი, რომ ჩემი წერილისა და თქვენი ბრძანებულების შესაბამისად ხალხისათვის მოქალაქეობა მიგინიჭებიათ და მათი სახელები დაგიწერიათ სტელაზე, რომელიც განადგურდა.²⁴ ამგვარად თუ ნამდვილად ასე მოხდა, თქვენმა წამქეზებლებმა ვერ გაიაზრეს თუ რა მნიშვნელობა ჰქონდა ჩემს გადაწყვეტილებას თქვენი სამშობლოსთვის.

ვინაიდან უმჯობესია, რომ ქალაქი გაძლიერდეს პოლიტიკურ საქმიანობაში მრავალი ადამიანის მონაწილეობით და მიწა არ იყოს სამარცხვინოდ დაუმუშავებელი როგორც ახლა. ვფიქრობ, თქვენც ვერ უარყოფთ, რომ შესაძლებელია ვნახოთ სხვანი, ვინც მოქალაქეებად გაფორმების მსგავსი წესით სარგებლობენ. მათ შორის არიან რომაელებიც, რომელნიც განთავისუფლების შემდეგ მონებს სახელმწიფო საქმეებში მონაწილეობისათვის გარკვეულ ძალაუფლებას აძლევენ. ამის წყალობით არამხოლოდ გააძლიერეს სამშობლო²⁵, არამედ დაახლოებით 70 კოლონია დააფუძნეს²⁶. ახლა კიდევ მოგიწოდებთ თქვენ, რომ

როდესაც ლაკედემონელებს მათ მიერ ათენისთვის განეული დახმარებისათვის მოქალაქეობა მიანიჭეს. Isoc. 9.54

²³ Νόθος – ნოთოსი/ უკანონო შვილი. არაოფიციალური თანაცხოვრების შედეგად დაბადებული ბავშვი, ანდა მონისგან გაჩენილი. მისი საპირისპირო ცნება – Γνήσιος – გნესიოსი / კანონიერი მემკვიდრე. ნოთოსებს სხვადასხვა პერიოდში განსხვავებული უფლებები ჰქონდათ.

²⁴ ეს ფაქტობრივად ფილიპე V-ის მიერ შეთავაზებული გამოსავლის უგულებელყოფა იყო, რომელსაც მეფის მხრიდან რეაგირება აუცილებლად მოჰყვებოდა.

²⁵ იგულისხმება მოქალაქეთა რაოდენობის გაზრდა და ამით გამოწვეული გაძლიერება.

²⁶ როგორც კოლუმბიის უნივერსიტეტის გამოცემა მიუთითებს, ფილიპე მეხუთე არ იყო სწორად ინფორმირებული რომის რესპუბლიკის მიერ მონების განთავისუფლების (გა-

ამ საკითხთან დაკავშირებით უყოყმანოდ დაჰყვეთ ჩემს ნებას და მოქალაქეებად შერჩეულებს აღუდგინოთ სახელმწიფო მმართველობაში მონაწილეობის უფლება. თუკი ზოგიერთმა რაიმე უპატიებელი ჩაიდინა სამეფოს ან პოლისის მიმართ, ან სხვა რაიმე მიზეზით არ არიან ღირსნი რომ მათი სახელები ამ სტელაზე ეწეროს²⁷ მოგიწოდებთ, მათ შესახებ გადადოთ საქმის განხილვა მანამ, სანამ მე ლაშქრობიდან დავბრუნდები რათა მოვისმინო. ამასთანავე მათ მომჩივანთ გადაეცით: მათი ჩივილის მიზეზი პატივმოყვარეობა²⁸ არ იყოს.

მეშვიდე წელი, გორპიაოსის 31 ე დღე²⁹.

ქალაქმა დადგენილება მიიღო. ტემისტოქოსის ბოლო დღეს, წმინდა საქმეებზე აღექსიპოსის ზედამხედველობით. აღექსიპოსმა თქვა: მმართველობის მიერ დადგინდა: ტაგოსმა³⁰ ნავსადგურში დადგას მოქალაქეობამინიჭებული ადამიანების სია, რომელთა სახელები მეფის წერილს შესაბამება და მეფის წერილისა და ბრძანებულების შესაბამისად – ადრეც და დღევანდელიც – (მოქალაქეთა სახელები) უნდა დაიწეროს ორ რკინის სტელაზე ერთი დაიდოს, აპოლონ კერდოსის ტაძარში, ხოლო მეორე აკროპოლისზე, ათენას ტაძარში³¹; ხაზინადრებს დაევაღათ დაფარონ ყველა ხარჯი რომელიც წარმოიქმნება. ეს ბრძანებულება სამუდამოდ დარჩეს ძალაში.“

ამის შემდეგ ტექსტს მოსდევს შემორჩენილი 203 პიროვნების სახელი, რომელთაც მიენიჭათ თესალიის ქალაქ ლარისას მოქალაქეობა.

ბერძნულ-რომაული საკუთარი სახელების გადმოტანისას ვიხელმძღვანელე „ბერძნული და რომაული საკუთარი სახელების ორთოგრაფიული ლექსიკონით,“ რომელიც 2023 წელს გამოიცა.

„სამოთრაკიელი³²: არქიპოს კალიფუნტელი;

კრანუნელები³³: აგესინოს ლიკინიოსი; ფალაკროს სიმეიოსი, სიმეიას ფალაკრიოსი, ლისიას ფილოკლიოსი, ეპიკრატის ეპიკრატიდეოსი, ლიკინოს პოლი-

აბატების) შემდეგ მათი სახელმწიფო საქმეებში ჩართვასთან დაკავშირებით, ასევე ის რომ, ძვ.წ. III საუკუნის ბოლოს 70 კოლონია რომის რესპუბლიკას არ ჰქონია. (Philip V and Larissa: unknown) მაგრამ აქვე ჩნდება მეორე ვერსია, რომ მეფე ფილიპემ შესაძლოა ძალიან კარგად იცის რომის პოლიტიკური სისტემა, მაგრამ განზრახ ამახინჯებს ფაქტებს, რათა მის მიერ შეთავაზებული გამოსავლის სისწორეში დაარწმუნოს ლარისელები.

პირდაპირი თარგმანით: გააგზავნეს.

²⁷ სიტყვასიტყვით: ამ სტელაზე მონაწილეობის მიღების.

²⁸ სიტყვასიტყვით: პირადი ინტერესი.

²⁹ Γορπιαίος – გორპიეოსი – აგვისტო.

³⁰ კონტექსტიდან გამომდინარე იგულისხმები, ის კონკრეტული ტაგოსი, მაგისტრატის წევრი, რომელიც პასუხისმგებელია ამ ყოველივეზე.

³¹ ორიგინალ ტექსტში წერია „Ἀθήνας“ ქალღმერთი ათენას სახელი დორიულ დიალექტზე, შედარებისთვის, ატიკურ დიალექტში – Ἀθήναι.

³² სამოთრაკია/სამოთრაკე (Σαμοθράκη) – კუნძული ეგეოსის ზღვის ჩრდილოეთ ნაწილში. იგი ჯერ კიდევ ფილიპე II-მ (Φίλιππος II ძვ.წ. 359-336) დაიპყრო და მაკედონიის სამეფოს შემადგენლობაში იყო ძვ.წ. 168 წლამდე. ამის შემდეგ ორ საუკუნეზე მეტი იგი დამოუკიდებელ სახელმწიფოს წარმოადგენდა, იგი რომის იმპერიამ, კერძოდ, იმპერატორმა ვესპასიანუსმა (Vespasianus ახ.წ. 69-71) ახ.წ. 70 წელს დაიპყრო.

³³ კრანონი (Κρανών), დასახლებული პუნქტი თესალიაში, ქალაქ ლარისას სამხრეთ დასავლეთით.

ტეოსი, აგის მენანდრეოსი, პარმენისკოს სუსიპოლიიოსი, ჰიპოსტრატოს დიკე-
 ოკრატეოსი, ანტიგონოს კრატესიმაქეოსი, დიკეოკრატეს მოკტინიოსი, სიქუნ
 ანტიგონეოსი, პოლინიკოს სიმიუნეოსი, არქეოკრატეს ჰიპოსტრატეოსი, ბო-
 ისკოს ფილოლაიოსი, კლეონდას ევდამეოსი, თეოდოტოს ევდამეოსი, ლასთე-
 ნეს მენუნეოსი, მენუნ ლასთენეოსი, დამოკრატეს პოლიგნუტეოსი, ალკინოს
 ფილოფერეოსი, ნელევს პითინეოსი, ჰიერომნამუნ პოლიგნუტეოსი, ჰოპლუ-
 ნოს პითუნეოსი, ნიკოლაოს აგესიეოსი, სტრატუნ აგესიეოსი, ანტიგენეს ამფი-
 ეოსი, დინატოს მაქინეოსი, პანფილოს იმუნეოსი, ქეუნ პითუნეოსი, ანტიგენეს
 სუსიბიიოსი, პეტალოს პოლიტეოსი, თერსუნ ნიკოდრომეოსი, სუსიპოს მენუ-
 ნეოსი, მენისკოს მენუნეოსი, კიმუნ არეგუნეოსი, სუსტრატოს არეგუნეოსი, ლი-
 კინოს ევდამეოსი, ფილინოს ფილომელეოსი, ლესქინას სტასუნეოსი, სტასუნ
 დიკეოკრატეოს ლესხინეოი, ანტიფანეს კორუნეოსი, არისტოფანეს, კორუნე-
 ოსი, ნიკიას არხელაიოსი, ფრინოს არისტოფანეოსი, არისტარქოს არისტოფა-
 ეოსი, ანაქსარქოს მენილეოს, პანტიოს ქსენუნეოსი, ევბიოტოს კოპბიდეოსი,
 მელაპრიას კოპბიდეოსი, არნეოს პარმენიუნეოსი, ეპიგონოს მიკინეოსი, თე-
 რსეას მეტალიეოსი, პეტალიას თერსიეოსი, აგათოკრეას ბულიუნეოსი, ატო-
 ნეოს აგათეკლეოსი, დამონიკოს ბულიუნეოსი, სიმიას ტიმოგენეოსი, პარმე-
 ნისკოს პარმენიონეოსი, ნიკუნ ნიკორეოსი, სუტადას პარმენისკეოსი, ლეუნ
 პარმენისკეოსი, რადიოს ნიკორეოსი, ნიკორას რადიიოსი, ფიდუნ ენეეოსი, კო-
 ლ...ს ლიკინეოსი, მეტუპოს ლეონტომენეოსი, ლიკინოს ლიკეოსი, პარმენედას
 სიმეოსი, მენეას სიმეოსი, ასკლაპიადას ანადრემუნეოსი, ანდრემუნ ასკლაპი-
 ადეოსი, დამოფანეს ფილოპოტეოსი, მენეადამოს არისტოკრატეოსი, პეს/პაის
 არისტოკრატეოსი, დიკეოკრატეს ფილაგრეოსი, დიკეოკრატეს პარმენისკეოსი,
 პოლიქსენოს არქინეოსი, ანტიმაქოს ფილიპეოსი, ფილიპოს მენანდროს ანტი-
 მაქეოი, ფალაკროს არქილაიოსი, ჰაგესიპოს პარმენისკეოსი, ფერეკრატეს ჰა-
 გესიეოსი, ევდოქსოს სუსიგენიოსი, აგლაოს ჰოპლუნეოსი, ლეუნდრას ალექსა-
 ნდრეოსი, სტრათიოს სტასუნეოსი, მენუნ გლავკიეოსი, ორესტას გლავკიეოსი,
 მელანთიოს ანდრომაქეოსი, მონიმოს ანდრომაქეოსი, თრასიმედეს ანდრო-
 მაქეოსი, ნიკასიპოს პეტრეიოსი, ევკოლინოს პეტრეიოსი, პეტალიას ტიმოგე-
 ნეოსი, ეპიკრატეს მენეადამეოსი, ასანდროს კეფალუნეოსი, ეპიკრატეს თეოდუ-
 რეოსი, ნიკოკრატეს თეოდოტეოსი, ჰიბრესტას პოლიქსენეოსი, არისტომაქოს
 პოლიქსენეოსი, ბერეკას იანეოსი, ჰელანოკრატეს აგათუნეოსი, ეპიკრატიდას
 სიმეოსი, ოიდას სკარეოსი, ქსანთიპოს ნიკასიპეოსი, აგასიკრატეს აგასიდამე-
 ოსი, კლეოპტოლემოს ანტიგენეოსი, ლისიას ჰიბრისტეოსი, დამონიკოს ეპინი-
 კეოსი, ავტობულოს პავსანიეოსი, არისტომენეს არისტოკრატეოსი, მენეკლე-
 დას სიმეოსი, ნიკუნ ონასიმეოსი, არისტომაქოს მენეკლედეოსი, არისტონოს
 არისტომენეოსი, ნიკასიკრატეს ეპიკრატეოსი, ფილოქსენოს სუკრატეოსი, სა-
 მოიტას პოლილაიოსი, მისკელოს სტრათიიოსი, პოლიოკტოს ანტიგენეოსი,
 ფაკას კრიტოლაიოსი, პავსანიას და ენოს და პოლიენედას, ავტონოს ამფი-
 ლოქეოსი, ქსენუნ ლამედოტეოსი, პოლინიკოს ანტინოიოსი, აპიკრატიდას სე-
 ტადეოსი, დამენეტოს ნიკიეოსი, თერსიტას სტრატუნეოსი, ლიკინოს პეტალი-
 ეოსი, აგათუნ ეპიკრატეოსი, აგათუნ არუბგეოსი, რასურა, ეპიგონოს მიკინეოსი,
 ფილიპოს მენოიტეოსი.

გირტუნელები³⁴: ეუთონოის ლეტინეოსი, ფილოდამოს ლეტინეოსი, ბოისკოს დამეტრეოსი პულიდამას ნიკუნიდეოსი, მნასიმაქოს მნასიეოსი, ეპიკრატეს ნიკასიპეოსი, ფილოფეროს ანთრუპილეოსი, ესქილოს ტალუნეოსი, აფსევდუნ ეპიკრატეოსი, არისტოკლეას არისტოდამეოსი, დილისკოს რადიიოსი, პარმონიდას სუსანდრეოსი, ევდამიდას პოლიკლიტეოსი, ანტიგენეს ფილოქსენეოსი, ნიკოლას არისტანდრეოსი, ამეტაბოლოს ეპიგენეოსი, აპოლოდუროს ადრატადეოსი, ფილოქსენოს აპოლოდუროსი, კლეოფიტოს კლეანდრეოსი, პოლ... მეოს. ამითავუნ პოლიიდეოსი, არისტომაქოს პარმენიტეოსი, ტალუნ ესქილეოსი, ნიკასიპოს ესქილეოსი, ეპიკრატეს აფსევდუნეოსი, სუსანდროს რადიიოსი, აგეტურ არისტოკლეეოსი, მეტუპოს დამოთერსეოსი, დიკე....., გუნიპოს ესქილეოსი, თაუმასტოს ირუიდეოსი, არქიპოს ანტანორეოსი, ანტიგონეოს, ე....., ატონესტოს კრიტოფილეოსი, პუტალოს რადიიოსი, ესქინას ასტიპეოსი, აგათიპოს ასტიპეოსი ესქილოს ასტოკლედეოსი.... ოგენეიოსი, სუიდას ლაკუნეოსი, ლაკუნ სუიდეოსი, ბერეკას პეტალიეოსი, ალკიდას ს.....,სიას ფილოფერეოსი, სუსიპოს ერგინეოსი, თ....., პეტალიეოსი : ლუკიდას პანტა..... “

გამოყენებული წყაროებისა და ლიტერატურის ნუსხა:

- ▶ **ბერძნული და რომაული საკუთარი სახელების ორთოგრაფიული ლექსიკონი 2023:** რედაქტორი ნანა ტონია, ლოგოსი, თბილისი, 2023;
- ▶ **Nicholson 2015:** Nicholson Emma Louise, A Reassessment of Philip V. of Macedon in Polybios' Histories, School of History, Classics and Archaeology, 2015;
- ▶ **Philip V and Larissa:** unknown, ბოლოს დამონმებულია 23.10.2023 D (columbia.edu);
- ▶ ძველი ბერძნული ტექსტი – IG IX,2 517 – PHI Greek Inscriptions (packhum.org) (ბოლოს დამონმებულია 07.10.2023).

ბერძნულიდან თარგმნა და კომენტარები დაურთო
გიორგი ბარნაბიშვილმა

³⁴ გირტუნელები – თესალიის რეგიონისა და მაკედონიის სამეფოს მოსაზღვრე ტერიტორიაზე არსებული პოლისის, გირტონის (Γυρτᾶν/Γυρτᾶνι) მცხოვრებლები. პოლისში მაცხოვრებელ მოსახლეობას პერეობსები (Περραιβοί– Nom. Singl. **Περραιβός**) ეწოდებოდათ. გირტონი/გირტონე ძვ.წ. IV საუკუნიდან მაკედონიის სამეფოს ნაწილს წარმოადგენდა, ხოლო ძვ.წ. 196 წელს ის რომაელებმა დაიპყრეს, კერძოდ ტიტუს კვინტიუს ფლამინინუსმა (Titus Quinctius Flamininus ძვ.წ. 228-174). რაც შეეხება პერეობსებს, ისინი მოხსენიებული ჰყავს ჰომეროსს ("Ὀμηρος), ილიადის მეორე სიმღერაში, ე.წ. ხომალდთა კატალოგში. Hom.II.2.749, მათ ასევე იხსენიებს ახ.წ. VI საუკუნის ბიზანტიელი მოღვაწე, სტეფანოს ბიზანტიონელი (Στέφανος Βυζάντιος) თავის ნაშრომში, Ethnica, G215.20.

აღსანიშნავია, რომ მათთვის, ლარისას მოქალაქეობის მინიჭება ფილიპე V-ის დიპლომატიის გამარჯვებად შეიძლება ჩაითვალოს, მაგრამ ამასთანავე მაკედონიის სახელმწიფოებრიობის ჩამოშლის ტენდენციად, როდესაც მიუხედავად იმისა, რომ არ არსებობს ნაციონალური სახელმწიფოები, ერთი სახელმწიფოს მცხოვრები/„მოქალაქე“ ხდება სხვა სახელმწიფოს, ამ შემთხვევაში პოლისის მოქალაქე, თითქოს ერთგვარ ორმაგ მოქალაქეობის ფენომენთან გვაქვს საქმე.